

琉
球
國
志
略

琉球國志略卷之七

翰林院侍講臣周煌恭輯

祠廟 寺院附

周官宗伯禋祈宜報之典最繁所以昭誠敬廣仁孝也

國家歲事有常百神効靈山海寧謐琉球仰遵

聖教頗知淫祀無福諸不在祀典者罔敢僭黷是以舉行蜡臘崇飾宮牆而寢廟城叢亦皆式禮莫愆允合生三事一之義若乃像教之設雖儒者所不道

要其大旨足以警醒貪嗔揆之神道設教遺意初無大忤且點綴名山邃谷上以備祝釐淨地下亦供登覽勝遊未爲不善也因復略表其尤著者焉

志祠廟

社壇

在首里末吉村
祭國中山川處

雨壇

有二一在豐見城十月下種時迎龍神像設壇祈雨處爲國相采地一在玉城村又曰雲

城國王每

歲祈雨處

雩壇

在首里崎山東苑內
早甚國王詣壇躬禱

雷神廟

在那霸護國寺前祀雷聲普化天尊故俗呼天尊廟汪錄云永樂中貢使自京師望

像歸崇禎末王尚質新之其上樑文有祈通渡唐
之船冀遂懋遷之願舊錄作三清殿今無此稱徐
錄云供玉皇誤左右懸絹幡二實書雷神號也張
錄云殿前二松大數圍高二十餘丈今無殿前百
步有方池畝許池上新栽松近百餘株中楹張學
禮題蒼生司命匾殿廊懸大鐘一鐫字曰王大世
主庚寅慶生茲現法王身量大慈願海新鑄鉅鐘
寄捨天尊殿以上祝萬歲之寶位下濟三界之衆
生辱命相國缺爲銘銘曰華鐘鑄就挂著珠林撞
破昏夢正禱天心君臣道合蠻夷不侵彰見氏德
起追蠶吟萬古皇澤流妙法音景泰七年丙子九
月二十三日住持樅律師良舜證之大工國吉奉
行智賢并與

那幅中西

臣按景泰七年爲王尚泰久時中山世鑑云泰久
以永樂十三年乙未生距庚寅差五年尚圓亦以

是年生泰久於景泰五年甲戌嗣位四十歲至天
順四年庚辰薨壽四十六則非庚寅生矣而世鑑
又云諸山寺大鐘皆王所鑄故銘文或書丙子或
書丁丑皆署景泰年號若尚圓則以成化六年庚
寅卽位至十二年丙申薨壽六十二更無涉矣世
續圖則謂尚德王始鑄大鐘考尚德以正統六年
辛酉生亦與庚寅不合也豈世鑑所云泰久以乙
未生或考之未審耶

文廟

在久米村泉崎橋北南向紅牆朱扉左右立
下馬碑內櫺星門三進門廣庭甬道上設拜

臺大殿三間奉先師孔子神位聖像兩旁二龕設四配位像各手一經中樑摹豎

聖祖御

書萬世師表匾一康熙十三年建前使汪楫林麟

煊各有記見藝文五十六年紫金大夫程順則復

啟建明倫堂又於堂中近北壁分三小間祀啟聖

井四配位兩廡蓄經書略備國王命順則敬刊

聖諭十

六條演義於月吉讀之久米之子弟就學其中順

則立碑記之又有廟學紀略前使徐葆光爲書啟

聖祠明倫堂儒學三大榜立碑一俱見藝文臣煌

至館循例展謁拜瞻之下進諸秀才悉加獎勉停

宣我

皇上右文德意令通事官傳示衆皆忻忻拱聽似有會

心者其規制未備則如啟聖公主尚仍公號殿上

未增祀十二哲亦未建兩廡祀配食諸賢臣因舉

內地諸郡邑條規移咨國王

知之其春秋祀典詳見典禮

天妃宮

有三一在那霸天使館東日下天妃宮門南向明夏子陽王士禎立靈應普濟神祠

額前廣數十畝有方沼池門左右石神二甬道寬
廣殿宇宏敞堂內有崇禎六年冊使杜三策楊掄
慈航普度匾順治六年招撫司謝必振普濟萬靈
匾康熙二年冊使張學禮王垓普濟羣生匾張錄
別有中外慈母匾五十八年冊使徐葆光書聯云
那霸唐營並峙兩宮分上下夏來冬往安流二至
合華彝有鐘一銘文與天尊廟同唯相國缺名處
作辱命相國安瀾爲其銘末作景泰丁丑年一在
久米村曰上天妃宮夏錄云嘉靖中冊使郭汝霖
所建門南向亦有石神二甬道左右寬數畝周圍
繚垣正中爲天妃神堂右一楹祀關帝左爲久米
幼童誦讀地門額舊夏子陽王士禎書靈應普濟
神祠年久匾失康熙中徐葆光取宋宣和及元天
歷兩賜額合書之曰順濟靈慈之宮堂內有杜三
策楊掄德配元穹匾康熙中張學禮王垓生而神
靈匾徐錄作生天福靈汪楫朝宗永賴匾林麟焜
聯一累朝疊詔表神功嶽降自鯨江翊運凝庥頻
現紅燈宣聖化重譯獻琛逢盛世皇華臨馬齒恒

衣展拜永清碧海耀吾宗麟煊莆田人天妃族故
末稱裔姪孫徐葆光聯一統全海之洪波俯順人
情應念東西南北綜歷朝之寶冊仰覩聖德一心
忠孝慈仁臣等姑米遇颶仰藉

皇上

威靈神光護佑全船二百餘人無一虧損易舟到
港謁廟行香臣煌謹安願大能成區一神爲德其
盛乎呼吸迴天登彼岸臣何力之有也忠誠若水
證平生聯一敬抒微忱稍答神貺有鐘一鐫文與
下天妃宮同一在姑米山係新建茲役觸礁神燈
示見且姑米爲全琉門戶封貢海道往來標準臣
煌謹同臣魁公啟國王代建新宮崇報靈蹟中山
王尚穆現在遴員卜地鳩工臣煌使旋有日恭製
匾聯各一匾曰玉山仙姥聯曰鳳舸燦神光一片
婆心扶泰運龍津標聖蹟萬年福曜鎮安嘉姑米
更爲立碑
以紀其事

臣謹按天后氏族里居存沒之蹟錯出前紀街談

巷說傳聞異辭據徐葆光錄天妃靈應記云天妃

姓林氏莆田湄洲人

張記云蔡氏
猴嶼人非是

宋都巡檢愿

一作

孚

第六女以建隆元年庚申三月二十三日生彌

月不啼名曰默生而神靈少與羣女照井有神捧

銅符出以授妃羣女奔駭自是屢顯靈異常乘片

蓆往來海上或驅簷前鐵馬渡江人咸稱爲通賢

靈女或稱神姑一日方織忽據機瞑坐顏色變異

母蹴問之寤而泣曰父無恙兄歿矣頃之信至父

與兄渡海舟覆父若有挾之者得不死兄以柁摧

救不獲雍熙四年九月初九日昇化室處二十八

歲

張記云救父投海身亡誤

時顯靈應或示夢或示神燈海舟

獲庇無數土人相率祀之

天后封號

宋徽宗宣和五年給事中路允迪使高麗八舟溺

其七獨允迪見神朱衣坐桅上遂安歸聞於朝賜

廟額順濟高宗紹興二十六年始封靈惠夫人賜

廟額靈應三十年海寇至江口神見風濤中寇潰

就獲泉州土其事加封昭應孝宗乾道二年興化

疫神降於白湖去湖丈許得甘泉飲者立愈又海

寇至霧述其道至廟前就擒加封崇福淳熙十一

年助巡檢姜特立捕溫台寇加封善利

汪錄作靈慈昭應崇

福善利夫人靈慈乃廟號凡加封皆原靈光宗紹

惠始封之號當作靈惠以上夫人凡四封

熙三年以救疫旱功特封靈惠妃寧宗慶元四年

以救潦功加封助順嘉定元年平大奚寇以霧助

擒賊金兵至淮甸戰花廳鎮及紫金山神見像再

捷三戰遂解合肥圍加封顯衛十年救旱獲海寇

加封英烈嘉熙三年錢塘潮決至艮山祠若有限

而退加封嘉應寶祐二年救旱加封協正三年加
封慈濟四年以浙江隄成加封善慶五年教授王
里請於朝封妃父積慶侯母顯慶夫人女兒以及
神佐皆有錫命景定三年反風膠海寇舟就擒加
封顯濟

以上封妃凡十
宋共十四封

元世祖至元十八年以海運得神佑封護國明著
天妃又進顯佑成宗大德三年以漕運効靈加封
輔聖庇民仁宗延祐元年加封廣濟文宗天歷二
年加封靈感助順福惠徽烈

共二十字

廟額靈慈

元晉
封天

妃凡五

加封

明太祖洪武五年封昭孝純正孚濟感應聖妃成
祖永樂七年封護國庇民妙靈昭應弘仁普濟天
妃自後遣官致祭歲以爲常莊烈帝封天仙聖母
青靈普化碧霞元君又加青賢普化慈應碧霞元
君

明封聖妃一收封天妃
一收封元君二凡四封

本朝康熙十九年收復臺灣神靈顯應提督萬正色

以

聞加封護國庇民妙靈昭應弘仁普濟天妃

仍永樂
七年號遣

官諭祭

臣謹按天妃廟祀自元至元中於直沽平江周涇
泉福興化等處皆有廟皇慶以來歲遣使賫香遍
祭明嘉靖中冊使陳侃使還乞賜祭以答神貺禮
部議令布政司設祭一壇報可萬曆三年冊使蕭
崇業始請秩祀海神合舉祈報二祭至今封舟出
海因之康熙二十二年冊使汪楫等還疏請照舊
瀆諸神著地方官行春秋二祭部議未准五十八
年冊使海寶等具疏再請得

旨着地方官春秋致祭編入祀典

臣

等茲役自閩海往還

祈神獲佑竊疑封號尚襲前明卽諭祭文內但云海神不言天妃敬瀝微忱乞加封號並請明頒諭祭俱蒙

聖慈俞允崇報益隆名實悉稱典禮周詳超軼千古矣

乾隆二十二年四月二十一日請加封號諭祭疏

翰林院侍講

臣

全魁

臣

周煌謹

奏爲

天威遠播神應彌昭敢瀝微忱仰祈

睿鑒事 臣等蒙

皇上天恩簡使海外

陛辭之日

訓誨周詳賞

命以來惟冀克竣典禮無貽隕越顧往返輒有滯留風
波不無驚阻今得趨赴

行在瞻仰

天顏皆由我

皇上再造之鴻恩故能使天妃效靈更生有慶所有

敬

臣等感激之私有不得不陳請於

聖主之前者伏查天妃於康熙十九年收復臺灣神靈
顯應福建提督臣萬正色奏請加封經禮部議准
封爲護國庇民妙靈昭應弘仁普濟天妃則是仍
明永樂間封號也又查前明冊封琉球有所報海
神文二道康熙二十一年前使臣汪楫等奏請諭
祭海神其略云海神天妃靈感最著是以海神爲
天妃矣臣等茲役遵例於怡山院致祭按其地有
天妃宮僅一拈香而

諭祭之典則又設位於江岸實望祭也伏讀祭文內所
引事實似指天妃然但云致祭於海神未明著天
妃之號臣等竊疑海自有神嶽瀆載於祀典似不
得卽以天妃爲海神明矣伏念臣等始渡海時以
六月初十日出五虎門十三日已見琉球之姑米
山十四日近山下旋守風之次適當暴期波浪兼
天舟身震撼嘔逆顛仆者無數臣等屢禱於神神
出筊示謂寧泊此毋捨去也於是肅將

簡命虔告天妃神若默佑生靈當爲神乞加封號並請

於冊封之年明頒諭祭奈臣等忠信未孚延至二

十四日夜颶風大作椗索十餘一時皆斷舟走觸

礁龍背中折底穿入水時旣昏黑兼值雷雨距岸

約六七百步許自分此時百不一生呼籲之頃忽

神火見於桅頂又海面燈光浮來若烟霧籠罩狀

舉舟之人皆所共見乃胥呼曰天妃救至矣須臾

舟稍向岸賴一礁石透入舟腹得不沉溺復不漂

流以故解放本舟小船次第救免臣等於萬幸驚

濤之中賁奉

節詔賜物登岸實皆荷我

皇上洪福恩同覆載履險終平而天妃呵護之靈尤其彰明較著者是用殫竭愚忱仰懇

皇上天恩勅部議加封號更請於冊封之年別

頒諭祭文二道與海神並舉抑或於諭祭海神文內明著天妃之號庶崇報益隆名實允稱爲此繕摺恭

奏伏候

聖裁臣等無任激切屏營之至謹

奏卽日奉

旨該部議奏欽此

禮部謹

題爲道

旨議奏事乾隆二十二年四月二十四日內閣抄出翰林院侍講全魁周煌奏稱天妃於康熙十九年收復臺灣神靈顯應福建提督臣萬正色奏請加封經禮部議准封爲護國庇民妙靈昭應弘仁普濟天妃則是仍明永樂間封號也又查前明冊封琉球有新報海神文二道康熙二十一年前使臣汪

輯等奏請諭祭海神其略云海神天妃靈感最著
是以海神爲天妃矣臣等茲役遵例於怡山院致
祭按其地有天妃宮僅一拈香而

諭祭之典則又設位於江岸實望祭也伏讀祭文內所
引事實似指天妃然但云致祭於海神未明著天
妃之號臣等竊疑海自有神嶽瀆載於祀典似不
得卽以天妃爲海神明矣伏念臣等始渡海時以

六月初十日出五虎門十三日已見琉球之姑米
山十四日近山下旋守風之次適當暴期波浪兼

天舟身震撼嘔逆顛仆者無數臣等屢禱於神神
出筴示謂寧泊此毋捨去也於是肅將

簡命虔告天妃神若默佑生靈當爲神乞加封號並請

於冊封之年明頒諭祭奈臣等忠信未孚延至二

十四日夜颶風大作旋索十餘一時皆斷舟走觸

礁龍骨中折底穿入水時既昏黑兼值雷雨距岸

約六七百步許自分此時百不一生呼籲之頃忽

神火見於桅頂又海面燈光浮來若烟霧籠罩狀

舉舟之人皆所共見乃胥呼曰天妃救至矣須臾

舟稍向岸賴一礁石透入舟腹得不沉溺復不漂流以故解放本舟小船次第救免臣等於萬疊驚濤之中賁奉

節詔賜物登岸實皆荷我

皇上洪福恩同覆載履險終平而天妃呵護之靈尤其彰明較著者是用殫竭愚忱仰懇

皇上天恩勅部議加封號更請於冊封之年別

頒論祭文二道與海神並舉抑或於諭祭海神文內明著天妃之號庶崇報益隆名實允稱等因具奏到

部該臣等謹按會典四海龍神各有封號東海稱

顯仁龍王之神西海稱正恒龍王之神南海稱昭

明龍王之神北海稱崇禮龍王之神有司以歲時

秩祀會典內開載天后亦稱海神康熙十九年

勅封海神天妃爲護國庇民妙靈昭應弘仁普濟天妃二

十年福建提臣萬正色以天后著靈奏聞於朝

詔封昭靈顯應仁慈天后五十九年翰林院檢討海寶等

奏稱奉

旨冊封琉球於怡山院祭天妃往返海道路略無危險經臣

部議准該地方官春秋致祭編入祀典乾隆二年
福建總督郝玉麟疏稱臺灣守備陳元美等在洋
遇風虔禱天后俱獲安全褒封宜加亦經臣部議
准加封其字樣交內閣撰擬進呈

欽定福佑羣生四字欽遵各在案是向來冊封琉球使
臣所祭實係天后而非南海昭明龍王之神已確
有可據今該侍講全魁等奏稱萬疊驚濤之中賡
奉

節詔賜物登岸實皆荷我

皇上洪福恩同覆載履險終平而天妃呵護之靈尤其彰明較著者仰懇

天恩勅部議加封號更請於冊封之年別

頒諭祭文二道與海神並舉抑或於祭文內明著天妃之號等語應如所奏恭請

加封其封號字樣應照例交內閣撰擬進

呈恭候

欽定嗣後

諭祭天后祈報文二道書明天后封號印於怡山院天

后宮舉行祭事於禮乃爲允協並請別

頒諭祭南海龍神祈報文二道於江岸望祭庶禮儀咸
備而祀典逾隆矣恭候

命下之日行文該處欽遵辦理臣等未敢擅便謹

題請

旨乾隆二十二年五月十四日奉

旨依議欽此

內閣謹

奏爲請

旨事據禮部來文內稱本部議覆翰林院侍講全魁周
煌題請

加封護國庇民妙靈昭應弘仁普濟福佑羣生天后以
酬神貺其加封字樣交內閣撰擬等因移咨前來
臣等謹擬加封字樣進

呈

御覽伏候

欽定乾隆二十二年六月十八日奉

旨用誠感咸孚欽此

天后靈蹟

臣謹按天后救濟靈蹟不勝枚舉茲但就歷使封
舟顯應條錄於左

洪熙元年冊使中官柴山遇險獲濟事詳顯聖錄以後無攷今

斷自陳侃始

嘉靖十三年冊使陳侃高澄舟至姑米山發漏呼
禱得塞而濟歸值颶風桅檣俱折忽有紅光燭舟
乃請爇起枕又有蝶雀示象冠服禱請立碑風乃
弛還請春秋祀典詳甲午使錄

嘉靖四十年冊使郭汝霖李際春回閩日颶將發

有二雀集舟之異及颶發失柁汝霖等爲文以告風乃息更置柁一異鳥集桅不去詳癸亥使錄

萬歷七年冊使蕭崇業謝杰針路舛錯且柁葉失去虔禱之次俄有一燕一蜻蜓飛繞船左右遂得易柁詳己卯使錄

萬歷三十年冊使夏子陽王士禎舟過花瓶嶼無風而浪禱於神得風順濟歸舟柁索四斷失柁者三大桅亦折水面忽見神燈異雀來集東風助順詳丙午使錄

崇禎元年冊使杜三策楊掄歸舟颶作折桅牙數
次勒索皆斷舟中有奇楠木高三尺三策等捐千
金購刻神像俄有奇鳥集檣端舟行若飛一夜抵
閩詳癸酉使錄

本朝康熙二年冊使張學禮王垓歸舶過姑米颶作
桅左右欹龍骨半折忽有火光熒熒霹靂起風雨
中截斷仆桅舵旋不止勒索皆斷禱神起舵三禱
三應易繩下桅有一鳥若雁綠嘴紅足集戰臺上
舟人喜曰天妃遣來引導也遂達定海詳記錄

康熙二十二年冊使汪楫林麟煥歸舟颺三晝夜
舟上下傾仄水滿艙中虔禱天妃許請春秋祀典
桅繩斷而桅不散頂繩斷而篷不落與波上下竟
保無虞詳使錄

康熙五十八年冊使海寶徐葆光多用卯針幾至
落溲虔禱得改用乙辰針又筭許二十八日見山
果見葉壁復禱得西北風一夜抵港歸舟至鳳尾
山旋風轉船篷柁俱側呼神復正至七星山颺作
旋走幾觸礁呼神獲免詳傳信錄

臣等茲役舟泊姑米候風忽颶颶作連三晝夜六月二十四日夜半旋繩盡斷龍骨觸礁而折底穿入水呼籲之頃衆見神火起於桅頂焚招風旗而落又海面燈光浮來若烟霧籠罩狀船遂牢擱礁上得不沉溺以次獲濟登岸歸舟至石盤阻霧不進禱得見山旣起旋霧復合風雨雷電交作落帆葉不下舟欹甚再禱再霽賴以安行臣又聞護封二號船去時亦於六月二十四日夜在洋被浪擊損右舢舨杉板漂失神前燈已滅踰時復燃舟以漸

駛得抵溫州云

關帝廟

在上天妃宮神堂之右冊使汪楫匾曰莫不尊親徐葆光聯云赤心常掛扶桑日正

氣時通大海風程

順則有記見藝文

龍神廟

在上天妃宮大門內左廂北向徐葆光聯云受朝宗而宅海敷雨露以行天國王禱

雨以舟載像至豐

見城設壇祈之

水母廟

張學禮圖錄近奧山今未詳其處

先王廟

在真和志安里村廟前松岡數重左右溪澗環注安里橋下入海復有海水來朝廟

貌渾樸疊石爲牆左右立木坊及下馬碑石路修

廣老樹森列正中作圍門三左右角門二前堂三

楹匾肅容二字祭畢設宴之所更進甬道東西廳

各三楹塔畔鐵樹兩叢正廟七楹正中向外通爲

一龕安奉諸主神位舜天居正中左昭魯馬順熙
英祖英慈西威武寧尚巴志尚思達尚泰久尚圓
尚宣威尚清尚永尚豐尚貞尚益共十五位右穆
義本大成玉成察度思紹尚忠尚金福尚德尚真
尚元尚寧尚賢尚質尚純尚敬共十五位諸皆稱
神主惟寧豐賢質四主稱尊靈又加稱寧曰康翁
豐曰宗盛賢曰秀英質曰直高左壁向右木主一
書歷代有功王叔神位右壁向左木主一書先代
王妃神位楹上前使臣張學禮王垓題河山帶礪
匾汪穉林麟焜題永觀厥成匾海寶徐葆光題世
篤忠貞匾臣等亦書源遠流長四字懸其次堂西
神厨二楹東爲佛堂前後六楹旁三楹爲僧厨卽
崇元寺

圓覺寺內亦有先王神位中一龕五主正中祀尚
圓稱龍慶雲君蓋其私諡也爲不祧之祖中左第
一主祀尚貞爲高祖中右第一主祀尚純爲曾祖
中左第二主祀尚益爲祖中右第二主祀尚敬爲

廟左一龕正中尚稷左第一主尚清右第一主尚
永左第二主尚豐右第二主尚質右一龕正中尚
與左第一主尚元右第一主尚寧左第二
主尚賢皆祧主也與傳信錄所記大異

臣按先王廟乃歷代統祀非一姓也圓覺寺自尚
圓始爲本宗

天王寺內亦有神主佛堂左一龕神主二一爲尚
稷乃始祖尚圓之父也一爲尚久乃尚豐王之父
尚元第三子也二人皆王父未爲王故別奉
於此旁二主爲王妃右一間四主皆王妃
天界寺內有尚懿神主乃尚寧王之父寺中皆女
主供王妃及王妃姊妹出嫁者雖有家祠亦得祔
嶽祠

國中皆以石爲神凡神嶽叢祠之所礪垣四周灌

木密鬱巨石離立數處置香爐於前澆酒設牲果
渡海祈福酬愿報賽惟就石膜拜獻供不立神像
也在處有之今略記其有名可指者

城嶽

在真和志古波藏村古松森立可數百株東
三十餘步有泉名旺泉從石溜出甚甘潔爲

中山八景之一

徐葆光城嶽靈泉詩瑞泉托王

居巨榜標金闕玉乳瀉巖溜冷冷自幽絕又城嶽

詩一邱古廟只荒榛叢灌無人敢作薪

渡海人歸還賽社祠旁澆酒石爲神

辨嶽

在崎山西南墻四周叢木尤密小門內拒南
向門外木亭二所左傍有小石塔及石燈案

左右各五入門石磴北屈而東數十級至頂有石

香爐爲祭山神處木亭前平地方廣南向見海東

南方有石爐炷香爲祭海神處嶽神名祝祝天孫

氏第二女也國王登位受封皆齋戒親祭每歲正

五九月祭山海及護國
神皆於此或遣官行禮

八頭嶽

在高嶺東北

佳楚嶽

在今歸仁村一名宇勝
嶽最高爲中山第一峰

名護嶽

在名護村
山出異蘭

恩納嶽

在恩納村以上
國人稱爲五嶽

姑塲嶽

在中
城村

蘇姑那嶽

在佐
敷村

砂嶽

在小祿大嶺村海中一里許巨石崢嶸然
如屋石似穿洞垂若鍾乳下可容百餘人

徐葆光砂嶽詩
海波橫嶽面回沫
腳底舒雲葉潮頭結浪花
鮮水

平處坐一
一似尊窪

寺院附

圓覺寺

在王城北久慶門外爲天德山國王本宗香火所在規制頗倣中國叢林山門高敞

有樓翼然左右金剛神額爲靈濟法嗣徑山所書寺門外方池數畝名圓鑑池清泉澄碧荇藻交橫水通入龍潭芰荷遍滿林木攢圍有觀蓮橋製甚整緻中砌一臺建亭其上供辨才天女卽斗姥也名天女堂架橋達之名天女橋更西有龍潭橋亦名龍淵橋入寺佛殿七間極鉅麗更進大殿亦七間名龍淵殿中爲佛堂左右奉本宗先王主左序爲方丈右序爲客座皆鋪席滿室纖塵不染前楹板閣雕欄護之方丈左爲香積厨厨側有井泉名石冷泉方丈前爲蓬萊庭客座右廣庭中有小山名古松嶺相傳有神木數百年物今無別有數小松及諸花樹奇石錯立蟠屈飛舞兩廂左僧寮右

獅子窟僧寮南有鐘樓樓南有雜花園奇花繁
簇錦鋪霞國人沿稱圓覺八景寺係明弘治時王
尚真所建池前土阜上有三山許天錫碑記見藝
文林麟煥圓覺寺贈喝三和尚詩蘭若因王造
焚香印土時虛廊雙不借靜案一軍持笑契三三
語來尋默默師經山宗派在休唱嗣阿誰徐葆
光圓覺八景示僧了道詩圓覺寺在中山巔山圍
橋轉稱龍淵鑑圓池中水空碧天女亭外環青蓮
蓬萊庭中古松嶺香積厨下清冷泉園裏雜華四
時好朱幡朝夕飄香烟中山世祀三百載八景自
昔名僧傳我來欲訪喝三徑白頭弟子移興禪
莽通仄入蕭寺木師塔號猶高懸咫尺珠林是遺
蹟重題舊
景空湛然

天王寺

在圓覺寺東北門前臨溪有古松四株寺

東有天王橋堂上額亦名龍淵殿巍麗與
圓覺彷彿板間光滑如鑑古色斑駁蓋怪木年久
刮磨漸積黑質白章如貝如錦絕可人意中奉金

剛手七星輪及刃左右龕祀先王之父及諸妃一鐘爲景泰七年丙子鑄上刻天龍寺鐘寺在浦添有二鐘移其一於此

天界寺

去守禮坊不數武門北向寺西南石室高丈許方廣封而不樹中山王瑩也尚圖以

來皆葬於此殿宇兩進亞於圓覺山門石神二佛殿正中設

當今

皇帝萬歲龍牌及旁供火神皆如圓覺內殿祀先

王之父及王妃王女左僧室有客座庭中松樹然

蕉皆盤鬱有奇態枕椰數株椰樹一株極高大左

階架鐘一尚德王時鑄考銘文本相國寺鐘銘曰

琉球國君世高王乘大願力新鑄巨鐘寄捨相國

寺說偈以銘是祝王基之萬歲安國利民聖天子

繼唐虞之化全文偃武賢宰相霽霖雨之秋茲有

巨鐘新鑄就高樓挂肅萬機心無端扣起羣生夢

天上人間妙法音皆成化已丑十月七日住持溪

隱寺有僧名湛元能詩以上稱首里三大寺

安國寺

世子府對國中案牘多儲此寺中

仙江院

天王寺右江錄云行荒榛中門戶蕭然僧宗實能詩學元僧白雲集體

蓮華院

原為萬松院天界之支寺也在天王寺之南不羈徒元仁別開院于北山名護嶽仍

名萬松院

徐葆光詩不羈遺躅杳難尋石徑盤紆古院深手種小松今偃蓋層層能作老龍吟

興禪寺

在圓覺寺北庭中花藥甚多磴道曲折為圓覺退隱之所客座寬廣松檜蟠地作虬

龍形僧律嚴整經案靜清

林麟煇詩曾扣招提

白板扉霜寒松老葉初飛祇

今弟子成行脚猶想

參禪上翠微

徐葆光詩一聲清磬定回時有客

相從問本師

酒不曾通世語壁間爭指舍人詩

廣德寺

在蓮花山茶梅皆數十株以類分立不相間

雜尤為詠

花藥之冠

建善寺

或稱建慈在廣德寺南諸寺客座皆居右偏此獨居中正對廣庭院後高巖陡峭環

衛如屏巖左石隙迸泉纒為雙流注壑及兩小池種蓮養魚諸寺中所僅有者

慈眼院

在首里立岸村上有觀音堂

天慶院

在赤平村石虎山

萬壽寺

在末吉村龜山下寺中有察度王舊影堂萬歷中燬

手水觀

在名護許田村

萬松院

在名護嶽上為天授山蓮華院僧元仁字東峰諱茅新建仍用蓮華院舊名徐葆

光天授山萬松院歌為東峰上人賦我聞中山萬松境舊有名僧號不羈同伴苦吟三老衲瘦梅宗實俱工詩元僧實存有遺集流傳海外皆宗之仙島同遊自倡和滄溟萬象搜無遺至今忽逾三十

載我來已晚徒增慨萬松舊院改蓮華老僧減度
今無在臺下悲滿惟古松聳肩松下人難再踟躕
遍訪覓遺篇色相俱空舍利碎白頭法嗣有東峰
開院北山仍萬松自言身住最靈境天花雲石相
葱蘢山名天授不可到但求詩句標幽蹤數言楚
楚字畫勁一斑直已窺宗風我役萬里窮水陸山
海之觀未盈掬蓬瀛咫尺漏芒鞋聞語心神已飛
逐白雲舊集貯瓠蘆移錫開山志重續煩師更作
畫圖看萬壑

松風捲空瀑

大日寺

在金城村尚質王時建供
大日龍智如來僧名彈雪

神宮寺

松壽院

俱在宜野灣
普天開村

臨海寺

在那霸北砲臺隄上舊名定海汪楫隸書
臨海寺額爲國王祈報所門東向佛堂面

南三楹面東板閣一石垣四周潮至墻下爲中山
八景之一有鐘明天順三年鑄胡靖臨海寺聽
潮詩二首蕭蕭蘭若海門懸物古音奇漫紀年時
與濤聲相節奏一天秋水月孤圓海邊寥廓白雲
高嶼色蒼茫映碧滔忽送金聲風上下如龍吼月
和寒濤徐葆光臨海潮聲詩晨鐘應潮生夕唄
應潮止老僧無我
聞常定潮聲裏

護國寺

迂山上護一作輔舊名安禪寺亦名海山

寺亦名三光院有神手劍而立名曰不動
王前置銅蓋十廻環瀉水着蓋中喃喃作語是爲
佛事庭中鳳尾蕉數十本與奇石錯植參差高下
殊有意致殿下有鐘大小各一景泰七年丙子鑄
與天妃宮文同亦國王祈報處僧名石雲有徒石
牀覺保皆能詩石牀現爲善興監寺今移主萬壽
寺胡靖輔國寺觀海四首幾年觀海志此日始
登臨浪湧千重雪潮來一片雲胸中吞地濶眼底
插天深頓覺乾坤裏波濤自古今數頃看無際排

徇望莫從微茫但一水蕩漾是千峰遂爾頽襟滌
道然豪興濃臨崖思大道萬派總歸宗寺古依松
竹巉巖石筍懸洪濤衝岸畔乳燕巢峰巔下上天
成兩東西水並圓平臨增恨望每歎說桑田蕩跡
似何極探奇絕險中羣鰲翻雪浪海馬御天風興
與雲飛逸情同鶴唳空置身聊不邇已此扶桑東
波上寺

在護國寺後石筍崖上即護國之佛堂也
國中寺多於近寺中另建板閣如神德之

八幡宮善興之天滿堂皆此類礪塙四周板閣二
所離立不相屬閣外隙地數畝下瞰石壁拔起國
人常以八月十八夜候潮於此寺前因草芊茸如
行綠毯碧毯中汪錄云閣中皆扁固云中祀阿彌
陀佛左藥師右觀音強啟視之皆無惟香一握及
銅片幡一掛而已繫奉寄御幣四字餘皆番書背
鑿元和二年壬戌

六字不解何義

臣按汪楫或疑元和爲李唐年號以唐時琉球未

通中國不知乃係倭人僭號也臣曾見日本馬場
信武所撰八卦通變指南內列三元指掌一條云
上元起永祿七年甲子元和九年癸亥止中元起
寬永元年甲子天和三年癸亥止下元起貞亨元
年甲子今元祿十六年癸未據此則壬戌適爲元
和八年恐二年字汪錄偶誤記耳

臣又按徐葆光錄謂其國平日皆行寬永錢註云
日本寬永元年當前明天啟二年壬戌亦非寬永
元年屬甲子宜當天啟四年

廣嚴寺

在天尊廟南小巷中名萬年山 徐葆光詩茸草烟濃栢翠浮行樽小占一庭秋高

人避客穿林去石上殘杯子未收

海藏寺

在廣嚴寺後門前一石佛趺坐佛宇卑隘簷前懸鐵鐸一風至自響

法音軒

在海藏院前小屋數椽園池甚廣庭前有草樹極似芍藥云生海崖上

龍翔寺

在天尊廟東頗宏曠亦多花竹

善興寺

在天使館後依山崇基花木清幽係重建爲護國寺下院舊有池今塞疊石培鳳蕉

其上佛堂供不動王并三首六臂天孫神有井泉甚甘美庭中福木森列榴薇交映磬聲乍嚮鳴鳥不驚時往遊焉頓息塵勞牆外周垣可五六畝中建一板閣祀天滿大自在天神扁額不開祈報者門外膜拜放瓣香不焚撒米數撮而去 汪楫詩曲巷叢陰合尋常屨滿門架簾分樹影鑿水護雲

根基局當庭設茶鐺近客喧

蘭閣僧不解相對總忘言

龍渡寺

在砲臺西水中奧山上舊爲蛇窟僧心海始開之蛇相率渡水去因築堤截潮引泉

灌花構屋五六楹階前方沼小亭二所遍植佛桑

鳳蕉頗可玩憩寺旁躡級而上繞出山後松陰交

陰漫湖流光草坪方廣如堂祇蘭佩萸之勝境也

徐葆光遊奧山大韻四首有寺藏山腹輕撓隔

激通一筇穿窈窕雙屐闢玲瓏山遠浮空碧花繁

滿徑紅登臨同客賞鶻咏播華風開山結禪宇截

港疊泉聲梵典真言授奇花香字名巖風吹袖舉

人影落波明碧海爲空界塵心何處生松林無雜

樹一碧並孤岑當午露猶滴先秋暑不侵石枰鏗

落子詩席間分陰弦外輕濤响琴聲向夕沉小舟

膠斷渚儵爾到山灣潮上鷺嶺起月來人欲還捫

星銀漢底流吹白雲間使職無餘事清遊盡日攀

普門寺

在久米村今廢

西福寺

廢今

東壽寺

徐錄云在泉崎橋之東今考其地在東禪寺後僧貧寺售別結草菴以居

東禪寺

重建在久米東北圓覺寺下院也規造宏廓大異前時徐葆光詩絕島寡塵事晤

言必緇衣空門混疎親禪話時依依寂寞東禪寺經聲出翠微榕門掩清晝苔徑行踪稀竭來當秋齋向夕敲岩屏茶烟正輕颺馴鴿鸞環飛僧徒雨三輩瑤席披清機梵語少通俗默焉離是非松陰霜月落脫屣坐忘歸

清泰寺

在東禪寺北今廢為蔡氏家祠

聖現寺

在泊村天久山石墻四圍方十數畝中屋一區老松盤鬱

神德寺

在真和志安里村八幡宮南向尚德王所建供不動神上有八幡宮

廿八福

六士

崇元寺

即先王廟左間監司香火

神應寺

在真和志識名山

松山

在東禪寺後僧名覺林

和光寺

在久米村

琉球國志略卷之八

翰林院侍講

臣

周

維翰

勝蹟

勝蹟者地以人傳人以事傳窮海之濱足跡罕至
雖有奇巖幽壑極瑰尤詭異之觀孰從而傳之琉
球之有勝蹟則自得通中國始也其地環山縈海
波濤之所盪激清淑之所鍾毓自宜高高下下時
出勝槩譬猶披沙揀金豈曰無得而况皇華數臨
鶴書遙降循習於舞蹈拜揚之節浸潤乎詩書禮

樂之容山爲增輝水爲增媚而況於人乎

臣職忝

清班文慚華國誠不敢望如白詩見珍於高麗柳
書取貴於新羅而夙夜兢兢捧盈是惕竊幸心神
無越典禮告成因得流覽蟻封緬思賢達徵文考
獻頗非一端蓋所以著天地之大而

聖朝聲教之遠被亦於是見焉志勝蹟

迎恩亭

在那霸港堤上明洪武時武寧王建凡封
舟到港陪臣班列皆集亭下迎詔至館國

王至亭前迎

詔復步至亭中恭請

聖安則自茲役始

徐葆光詩一片仙軀下九天海東

屬島喜駢闐迎恩亭下潮初漲百練爭牽萬斛船

却金亭

在那霸港封舟登岸處爲前明嘉靖七年冊使陳給事侃建侃浙江鄞縣人胡靖錄

爲夏言建誤言實未嘗至中山也侃字汝言嘉靖五年進士訛或以此亦未可知

息思亭

在舊天使館內嘉靖三十七年冊使郭汝霖有息思亭說云琉球天使館自門而入

正堂三間自正堂引至書房三間余處于東李君際春處于西房之後再三間官舍輩處之兩旁翼以廊房各六間門書與皂寓焉暑月蘊隆疏之人爲予卜後垣空地砌土瓦茅豎柱而亭之予因匾曰息思以咏以歌庶忘其身之在異鄉已

灑露堂

在舊天使館內萬歷四年冊使蕭崇業有灑露堂說云使館故有匾弗稱唐人云海

東萬里灑扶桑意在懷遠也余以灑露名之副使謝杰記云灑露堂者天使館之堂也諫議蕭使公所以名斯堂也

東苑

在崎山上前使臣汪楫書匾有記門西向入

門茵草遍地板亭南面二間更進面南三間
天啟五年詔使指揮同知蕭崇基書潮音應世額
今失亭東土阜一邱形如覆孟汪錄云是零壇南
下西轉山巖上鐫梵字一狀如霸字石獅一蹲岩
旁下有小方池激泉從石龍唇吐出養金魚其中
前植竹萬竿後古松數十株皆盤根石上極蟠屈
有致東行爲望仙閣前使臣林麟焜題匾跋云昔
荀中郎在京口登北固望海云雖未覩三山已使
人有凌雲意中山雄踞島嶼三十六峰羅列環抱
亦海外之京尸也山旣擅一方之勝閣復據登臨
之美額曰望仙蓋以供賢王休暇登眺讌遊延鄉
召枚耳豈真有黃金白銀闌可見諸仙人長生之
藥皆在耶彼褰裳濡足之主冀倖一遇終非仙才
良可歎也閣後小板閣爲能仁堂南面出堂東過
可望佐敷少西見林木鬱然卽辨嶽也相傳苑內
有八景東海朝曦舊爲久高朝旭中山之東屬島
姑達佳譯爲久高故云西嶼流霞南郊麥浪北峰

積翠舊爲識名積翠以識名村在首里之北也石
洞獅蹲雲亭龍涎松徑濤聲仁堂月色林麟唱
望仙閣詩崎出少住秋事殘衙齋寂寂長閉闕有
時命駕輒徑出山南山北恒躋攀客言望仙樓閣
勝登之可以開心顏來穿蘿逕尋絕頂插籬修竹
紛植樂憑高陡覺海雲盪豈惟聊散腰脚頑虬松
屈鐵蹙鱗甲石螭吐水聽淙潺問誰所築極幽雅
島王休暇修遊觀茅茨約椽存朴素不丹不雘殊
塵寰吾

同禹儉遂使此意風百蠻雙眸下瞰九萬里歸墟
積水何漫漫伊藍古米尻首接蒼茫七島相彎環
是時新秋水葉脫破山巨浪排風寒方壺員嶠不
可辨但覺隱見青雲端月明廣宴長樂夜定有笙
鶴來瑤壇惜哉秦漢覓仙輩未到此地成虛還神
芝百本產崖谷玉林箭簇光斑斕安得服之鍊金
骨一任日月雙跳丸興酣發狂浮大白番吏羅勸
冠黃冠涼風蓬勃拂衫袖連鑣欲下仍盤桓歸來
閉目想清景頓令重遊心飛翻徐葆光詩一曲

崎山路峰迴啟苑屏繚垣藤絡石蓋地毯爲衣岩
瀑當門落林禽背客飛置身瀛海上寥廓坐忘機
極目浩無界超然八景空雲開識名翠日上久高
紅宮闕仙山近樓臺蜃氣通望來高閣上坐御列
仙風昔構原從簡今來未改觀依山微鑿磴倚樹
借爲欄景色園空翠烟雲洗碧丹亭中祖訓在澹
泊素能安疊疊南山秀都歸東苑偏海濤晴帶雨
嶽色午浮烟儉德存遺構清遊繼昔賢壁紗籠句
處猶寶鳳池篇

茶亭

亦在東苑內汪錄云國王游觀之所屋三楹
壁有箋曰粗茶淡飯飽卽休王命都通事蔡

某所書今亦失去其
臣真常有記見藝文

同樂苑

在姑場川亦有八景延賢橋恤農壇洗筆
塘望春臺觀海亭翠陰洞摘茶巖種藥堤

觀旭峰

一名望日亭張學禮
圖錄近園覺寺後

神木

在圓覺寺內一名古松嶺 胡靖圓覺寺古

根勁挺亭三尺古榦橫斜蓋二臺夜靜龍鱗明月

照天空鶴影倚雲來青葱已濕千年露曾見三花

幾度開 徐葆光神木詩圓覺古松號神木廣庭

深護朱欄曲三尺蟠根二百年虬枝拳翠攢苔綠

佛座長明無盡燈珠幡上頌無疆福右廡重簷廟

南向國王家祠神龕肅始祖尚圓宗尚貞高曾四

代分昭穆至今廟食儼如新山龍藻火施章服崇

元寺裏受

恩綸

歸向靈前申號祝廟中僧祿比貴臣歲廩王田八

十斛中山之始本三分山北山南鼎連足自昔已

志好弄兵左右齒邦盡強肉豈知未及五六傳天

道好還反乎覆尚圓修德起伊平歸仁一綫如遙

續綿綿禪祀比松年號曰中山寶山北

國祚長休木不凋濯濯靈柯似初沐

金宮

在宜野灣謝名村察度王母天女也行其地
見石物皆金銀父勝連按司遣大夫取之曰

此地靈所孕也
作樓閣金宮

戲馬臺

在今歸仁
親泊村

翠巖

在首里
金城村

白金巖

在兼城絲滿村巨石圍立前通一門中可
坐數百人榕樹蔽之徐葆光遊山南與大

夫蔡溫等聯句於此

徐葆光絲滿村白金巖詩

邊土行將盡搖鞭絲滿村溪深查渡馬廬合樹爲

門村女窺崖隙山農列酒罇

白金聯句就書破翠巖痕

龍洞

在奧山萬松蒼茂每清風徐來輒與潮聲答
響爲中山八景之一徐葆光龍洞松濤詩

中山松最奇臨水更增勝

虛濤應暮潮颯然滿秋聽

金峰洞

在金武
村山下

嶮石

在那霸港口土名馬加 徐葆光詩巨石亘

靜鎮齧隄沙怒擘迎風浪狂瀾却倒迴安流使徐
漲馮夷送潮來低頭聽收放中山形勢雄碧海流
虬樣右翼葉壁張左臂馬齒傍外島三十六遙遙
若連障腹地抱重陶那霸實其皖鐵板沙四周雙
臺勢相仗得此砥中流長隄更新創宛宛如遊龍
到海回頭望當關似一夫外禦抵千嶂所以此邦
人雍容自無抗封貢共升平萬古

皇風暢

受劍石

在今歸仁故城內山北王素尊一石爲神
戰敗以石不佞砍分爲四今石痕猶在

山南王故城

在高嶺村今山南王子孫那姓居之
徐葆光高嶺城詩高嶺餘空壘瓦

松生繚牆披圖尋往蹟策馬踏荒岡文砌支
稀楯宮溝瀉鴈梁中原人一到徙倚立斜陽

山南王弟故城

在豐見城山 徐葆光詩豐見山
頭虎豹蹲霸圖銷歇氣猶存頽垣

宮闕無全瓦荒草牛羊似破村蜂割一房曾並立
蝸空牛角是誰吞故城高嶺遙相望鏡裏西風暮
昏色

山北王故城

在今歸仁村

佐敷殿

在首里新橋村尚益王爲世子采地封佐敷故名後以居舊宮人

尚圓王舊宅

在浦添內間村王始爲內間里主後避位居於此

麻氏隱居

在陶廠西村一曲池塘未掩門種樹陰成雲滿徑

灌園人老竹生孫隔牆翠袖翻蕉影繞砌文螺
疊石根半醉歸來絃管闌泉崎橋外落潮痕

毛家園

在金城村王府西南國丈毛氏居此園內有凌霄亭甚宏麗

澹園

爲法司蔡溫別墅在首里王府北徐葆光詩澹園一曲倚王城賜第依然舉室清松嶺

乍通粗闢徑草亭未葢已題名烹茶共品家泉味
剪韭同嘗采地羹海外荒經與誰續赤平村裏有
明端

碧於亭 在太平島
筑山上

瑩兆附

山北王墓 在今歸仁運天村
土人呼百按司墓

尚圓王祖瑩 在葉壁山中有一
山宛轉如游龍

中山王祖瑩 在王城西南張錄云瑩中無塚石碑
鐫中山王祖瑩前五峰相對左右有

情沙水相映
前山開曠

琉球國志略卷之九

翰林院侍講臣周煌恭輯

爵秩

自古屬國封號祇及其王而其臣之品秩不與聞焉琉球越在重洋

聖天子授之王印以示尊寵亦政不欲遙制之爾前使臣徐葆光傳信錄有官制一篇云從其臣紫金大夫蔡溫得其大槩紫金大夫程順則又以所輯官制進臣觀其體制亦頗典重乃徐察其實十不符

二三始知蔡程二書係奉其王令新定品秩尚未
舉行嗣以三法司恥居正二品班寢之閱十餘年
更定大改前規臣叩之日所晉接諸人率多不諳
故典無一能言之郊子最後於餞別之次前所稱
蔡溫者尚在通謁求見臣亟問其略奈已龍鍾昏
眊語焉不詳今亦惟就所見聞少爲臚列大抵官
雖有品不必品有其人官雖分職不必職專其事
而君臣之通義無逃天地之間要亦較然可覩也
志爵秩

國王世王即位璽璽國事奉表請封及見冊使皆
鑲金銀印封為琉球國中王以其時山南中北
並受封各別之秩正二品降皇子親王一等皮弁
犀帶國中攝政亦許具升上加覆綴前後各七旒
腰玉帶服則題為紗帽
國朝不設品印文只稱琉球國王勅文仍加中山二
字冠服悉從其俗

臣按徐葆光錄有元侯郡侯邑侯郡伯邑伯等爵
今皆未見

王子總理一郡或二郡赤地五色金花帕龍花
錦帶其長于世領一郡稱某間切按司
按司赤地五色花帕大花錦帶王按
司不係品有才德者授國用職

臣按國中按司有三等一為王子及貴臣遙領之

按司一爲王所領之郡不設按司一爲各土著世業之按司或授以朝列或選充王壻皆令常居首里徐錄云舊制每府一按司洫治之權重兵爭尚真王改令聚居首里遙領其地歲遣察侍紀官一員知其府事歲終上其成於按司

國相

二員左相紫地五色花冠錦花帶右相青地五色花冠錦花帶俱正一品

法司官

三員從一品一司除授刑法一司錢穀出入一司禮儀屬籍然事雖分掌每事必三

人集議議定上之國相王受成而已徐錄分天地人三曹今亦無此稱遇請封及謝恩慶賀大典則遣一員充正使紫金大下一員副之例以首里尚向兩家毛翁馬真七姓爲之故法司多王叔王舅

由紫巾官入國史院加法司銜及耳目官有功者
升授久米那霸泊三府人不得為偶有為者則入
居首里子孫遂為首里人紫綾
冠錦帶有功紫地織花冠錦帶

紫巾官紫金大夫加法司銜俱正二品紫綾帕黃
地龍蟠帶以上皆金
簪

紫巾官紫金大夫俱從二品紫綾帕黃地
龍蟠帶金花銀柱簪

耳目官四員正三品一司賓土名御鎖側一典賓
一作司賞土名御雙紙庫理一司刑土名

平等側一司禮一作管泊土名泊地頭皆稱謁者
土名申口衆黃綾帕黃地龍蟠帶以下皆銀簪遇

貢期則遣一員充正
使正議大夫副之

正議大夫加耳目官銜土名申口座從
三品冠帶同

吟味官

徐錄作贊議

正議大夫

俱正四品黃綾帕赤地龍蟠帶

那霸官察侍紀官中議大夫長史

中議大夫都通事皆爲之都

通事

俱從四品冠帶同

正殿遇闌理官

正五品黃綾帕雜色花帶

副通事加遇闌理官銜

從五品冠帶同

正殿勢頭官

正六品黃絹帕雜色花帶

加勢頭官

從六品冠帶同

里之子親雲上副通事

正七品

筑登之親雲上

從七品俱冠帶同六品

正殿里之子

土名察度奴示正八品紅絹帕雜色花帶

里之子座

從八品冠帶同

正殿筑登之

正九品

筑登之座

從九品俱冠帶同八品

臣按自里之子親雲上至筑登之座及國中或呼

副通事通事筆者若筆者秀才若秀才

臣所謂品

不必有其人職不必專其事者此類是也

久米府官紫金大夫四員總理唐榮司一員

即於四員

中以一員統轄一村事爲最尊主朝貢禮儀文移

正議大夫中議大夫長史都通事加通理銜副

通事副通事通事

皆久米人秀才習漢文者任其職

臣按三十六姓皆洪永兩朝所賜至萬歷中存者止蔡鄭梁金林五姓續賜者阮毛兩姓每姓子孫亦不甚繁衍餘寄籍起家貴顯者有之自大夫長史以下由秀才升授今取士之法惟憑總理司及諸長史學中教習僉詞薦舉卽許出身徐錄謂秀才每年於十二月試之出四書題令作詩一首或八句或四句能者籍名升爲副通事由此漸升至

紫金大夫臣細訪之從無此例

琉球三省中山十四府山南十二府山北九府每
府除酋長外遣察侍紀一員掌筆帖一員治之每
逢

冊封之期領郡按司率察侍紀親理府事屬島如八重
山麻姑山姑彌島度姑島烏父島奇界島每島除
頭目酋長外遣監撫使一員掌筆帖二員治之餘
三十島則監撫使一員掌筆帖一員三省及各島

頭目總名保長有地頭

土音之
渡弟

俗呼首里大屋子

土音奴最尊次大掟土音無又次南掟土音符又

夫卽姑升之次西掟土音日又次掟土音沒又次手文士土音提姑

姑通相統轄惟地頭銀簪餘俱銅簪帽用青綠布不一

臣士之家有上中下三等上等自里之子始入流

品中等自筑登之始入品下等略同未入品者許

紅絹帕若農工商中有勤勞者令戴青絹紅絹黃

絹等帽以旌異之

俸米有三等有俸米不論品職尊卑各有應得之米王府按時給領官罷則已有采地

官尊者或一郡或兩郡或一邑或數邑或計畝子孫以大通減至曾孫則不減永爲世祿有功米俗

呼切米功字之訛也官尊而有功者量功於俸米
采地之外加切米或數百石或數十石無定制臨
時視功爲額其切米亦有三等有終其身者雖罷
官亦給有定限數年或數世者限滿則止有永爲
世業者

僧亦有秩自房頭歷升法印至座師而上人爲最
尊

琉球國志略卷之十一

翰林院侍講臣周煌恭輯

賦役錢法附

東瀛之島如暹羅蘇門滿喇加高句麗瓜哇日本
交趾占城等國凡十數而琉球最貧明初始受封
入貢亦因以貿遷有無以供國用

本朝

列聖軫恤窮蕃度越前代屢免方貢馬匹且加意懷柔弛
海舶市貨之禁國中物力藉是稍紓故能仰體

皇上深仁子惠黎庶輕徭薄稅以治其邦但地小土磽
山多人少其度支贏縮輸納條欸求之聞見未悉
其詳臣謹錄其有據者以存屬國穗秸殫民趨事
之梗槩云志賦役

夏子陽錄中山田賦稍寓古人遺法上下各食其
土無他誅求惟過世及請封則從其始日卽派取
穀米苧布於各屬島預爲積貯數年以供宴犒事
畢乃止

臣按其田有公私之別公田有二一爲王府公田

每畝收穀歲有定額農民代耕碾米入倉王家儲
供及各官俸祿功米支給悉資於是一爲各官采
地公田分給各官與農民均分凡田土應派公費
雜項則出於官所應分數內二項田皆不得售買
私田則係民間應募墾闢及自行開墾者除每畝
量納官米外聽爲世業仍許售買然價值甚昂畝
約二三百金受役之法各地頭每歲比戶派定人
數有事按名受役每人役二日大事則盡役之官
府無役隸輿皂係其采地之人來受役視官秩爲

五玉 卷一 二
多寡皆月更其雞豕薪樵之數以米石多少爲準
以時供送

錢法國中常用寬永錢每遇

冊封則另鑄小錢開局兌換非鉛非鐵大不及鵝眼無
輪廓文字虛其中以受貫一百可長寸許或三十
爲一貫或五十或一百以至一千皆自成貫以草
繩穿定繩頭繫札以紙封固用黑硃小印鈐記之
或貫繩散斷印文擦損則不堪用事畢則按數繳
還兌回銀錢然亦有私鑄中國人不能辨時有受

其欺者誤攜以入市市人不受也五十五貫當球銀一兩

徐錄稱洪武永樂皆賜錢天順二年請照永樂宣德間例以銅錢給賜禮部議寢之

本朝無賜錢例故國中少中國錢

元統國志略

卷十

三